


Edizione diplomatica

	c. 175v
	SEigneur encoms ablasmar. Vos fai senes fa- tia. Quar noi auses anar. Puis ena oulia. Ala domna parlar. Et al for cataloigna. Al uostrops naieu uergoi(n)gna. Quar lai lais- ses fadiar. E fis drutz nos deu tardar. Si messagel uenia. Mas que pens del anar. Eques meta en la uia. Com no sap son afar. De sidonz ni sabe- soingna. Benleu atalan q(ue) ioingna. P(er) qe nos deu aturar. A quan uis nostre iutglar. Que de uas leis uenia. Ja nous degratz restar. Q(ue)us dones nor- mandia. Sacsetz bon cor damar. Antre bera e- bordoi(n)gna. De regart nous daratz soi(n). Ni ia nous degra menblar. Mas ara podetz proar. Ses uer so q(ue)u dizia. Q(ue) no fai ad amar. Rics hom p(er) drudaria. Ta(n)t an aconssirar. P(er) que iois damor los longna. Qeu no uoill auer bergoi(n)gna. Ses temer eses cela(r). Queuia no uoill esser bar. Nide gran mane(n)tia. P(er) que(m) pogues reptar. Nuls hom de uilania. Mais am rire gabar. Ab midonz q(ue) mensomoi(n)g- na. Q(ue)u no(n) uolria gasco(n)igna. Ni bertai(n)gna cap- dellar. Mon chan uir naemar. Quisonor ensab- ria. Cui nostre sei(n)gner car. Sa pauca lo(m)ba(r)dia. Tant gens sap domneiar. Q(ue) nos camia ni sen broi(n)gna. P(er) menassas anz resoi(n)gna. limogel fai reserar. Sil coms iaufres no ses loi(n)gna. Peitau aura e Gascoi(n)gna. Si tot no(n) sap domneiar.

- letto 137 volte